

A2^r

Dem Erfamen/ fürfichtigen/ vnd Weyfen Herren/
Antonio Sänfftln/ Burgern/ des jñern Rhats zû München
meinem gñftigen/ vnd gepietenden Herrn.

NAch dem vor difer zeyet/ fürfichtiger/ Weyfer
Herr/ jrn vil/ fo treffenlich/ waidlich vnd gelert leüt
nit allain in Griechifcher vnd Lateinifcher fpraach/
fondern auch in teutfcher zungen/ die lobwirdigtē
rümreichften thaten der Römer/ befchriben haben/ Mõchte diß
mal mein fchreiben in folchem fall/ wol etlicher maß/ vberflüffig
vnd vnnötig geachtet werden/ Dañ nichts fo güt ift (von men-
fchlichen vnd zergengklichen dingen red ich) das nit etwañ/ nach
vilfeltigem fürbringen/ ein verdruß vñ aberwillen mache. Die
weil aber die tugent allweg gelobt/ vnd jres vnfterblichen preiß/
niñmermer beraubt werdē foll/ So ifts fürwar billich/ nôtig/ vñ
nutzlich/ das der Edlen Römer nañ/ welche alle Nationen in
tugent (das ift) in allerlay eerlichen thaten/ zum hõchften vber-
troffen habē/ zû allen zeiten geprifen werde/ Damit meniglich
fehe vnd erkeñ/ das erbarkait/ vnd dapffere mañhait/ zû vnfern
zerftórten zeiten/ jr lob/ eben als wol/ als vor etlich taufent jarn
behalte/ Dañ es werden vns die Hiftorien/ zû exemplen vñ bey
fpylen furgefelt/ dem jenigen/ welchs do eerlich vnd tugentfam
gewefen wer/ nachzefolgē/ vñ alles/ was fchentlich od⁹ lefterlich
gehandelt/ zûuermeiden. Also/ das wir allweg/ durch vnnferer
vorfarn tugent/ zur erbarkeit geraitzt wurden/ vnd auß anderer
leüt jrrthumb/ vnfer leben beffertenn. Difere auch aunderer vr-
fachen halb/ Fürfichtiger Weyfer Herr/ bin ich bewegt wordē/
diß büchlin/ nit allain zûuerteütchen/ fondetn auch zû erklern
vñ illuftrieren/ All den jenigen zû güt/ die do gern auffs kürtzt
die Rõmifchen gefchichten erkennen wolten vnd begerten/ Deñ
es haben etlich von wegen groffer gefchefft nit fouil weil/ das fies
nach der lenge durchlefen kündten. Oder ob fie es fchon vorhin ge-
lefen haben/ felt es jnenn doch bald wider ab/ auß fchwachait des
gedechtniß/ Denfelben mag diß büchlin ein Regifter vnnd Me-
morial fein. Die andern/ vnd zwar der felben vil/ vermõgen nit
gleich das groß werck Liuij/ auch anderer Rõmifcher gfchichtfch
reiber zûkauffen/ vnd ob fies fchon vermõchten/ weren fie jnenn
doch auß vnwillenheit frõmbder fpraach/ nichts nutz (dañ man
müß die Rõmifche Hiftori nicht allain auß Liuij/ fonderen auß
andern mer zûfamen klauben) diefelbigen (wie ich hoff) werden
auch mein müh herinn mit danckbarkait auffnemen. So hab

A ij ich nun

A2^v

ich nun Fürfichtiger Weyßer Herr/ diß mein arbeit/ lie sey gleich
wie sie wöll/ E. W. am allermeisten/ wölln zûschreiben vnd
dedicieren/ Dann dieweil mir von E. W. fouil groffer wolthatē
widerfaren/ vnd befonder gütwilligkait erzaigt worden ift/ fo ha
be ich bißher in vil weg betrachtet/ vnd gedacht/ wie ich etwann
E. W. mein danckbar gemüt zûerkennen geben möcht. Vber
antworte derhalben E. W. diß bûchlin jetzmals/ als ein offent
lichen zeügen/ meins willigen gehorfamē gmûts/ verhoffend E.
W. werd folchs mit gunft annemen/ vnd vnd⁹ dem schirm ewers
namens lassen außgehen/ Dañ wiewol es faft klein ift/ fo mag
es doch billich mit den aller gröffesten verglichen werdē. Dieweil
es die aller herrlichften/ dapfferften/ vnd tugentreichften thaten
der Römer/ Auch das auffnemen vnd abnemen des Reichs/
nit mit weniger nutz vnd lieblikait/ dañ kürtze begreift. Dar
zû ift es nit weniger löblich/ groffe vnd weitleüffige ding/ auff
kürtzest zûbeschreiben/ damit sie ain jeder defter leichter fassenn
kündt/ dann auch geringe ding/ mit der red auff weytst auß
breiten. Bitt derhalben dienftlich vnd fleißig/ E. W. wolle
diß alles/ folcher maffen/ wie es von mir gefchehen (das ift) in al
ler gütwilligkait erkennen/ fchetzen/ vnd vrteilen/ vnd mich jr/
als meinē günstigen vñ gepietenden Herrn/ befolhē lassen fein/
Solchs wil ich gegen E. W. (welcher ich sampt andern meinen
günstigen vnd gepietenden Herrn/ des Erfamen/ Fürfichtigte
vnd löblichften Radts allhie/ allzeit zûdienen genaigt bin) müg
liche fleiß verdienen. Datum München den fechtzehenden
Maij Anno Domini, M. D. XLII.

E. F. W.

Gehorfa
merChriftophorus
Bruno/ Poet
allhie.